

Le poesie in piemontese
di

Valter Agostini

TEMP D'ANCIARM E
TEMP ÈD DÈSPARTÌA

*'T bute ij tò pé an sël pra
e tut-sùbit le fior son pì fiorìe
e tante nivolëtte amìe
a ven-o a fé pì bel sto cel d'istà.

Tut l'é sospèis ant un'aria 'd cristal
tut a l'é ferm luminos transparent
e a mi sl'erba còtia durmient
tut as dësvela ant soa forma essensial.

'T bute ij tò pé an sël pra
e tut-sùbit tò pass l'é pass ëd dansa
che j'onde dla vesta d'organsa
fan navighé 'rlongh un mond ë-stregà.

J'eve dël ri 'dcò lor a son pasiasse
e a perlo sota 'l sol tra le geirëtte
bordura dël vel ëd nebiëtte
che sla còsta dij mont a l'é posasse.

'T bute ij tò pé an sël pra
e tut-sùbit ël cheur l'é pì seren
e a-i na fà nen
se già doman
ij màgich aquarej dë sta giornà
a svaniran
e se la vita
a 'rpijerà sò gir a la manera istessa.*

Cita

TEMPO DELL'INCANTO E
TEMPO DELLA PARTENZA

*Posi i tuoi piedi sul prato
e subito i fiori sono più fioriti
e tante nuvolette amiche
arrivano a far più bello questo cielo d'estate.

Tutto è sospeso in un'atmosfera cristallina
tutto è fermo luminoso trasparente
e a me sull'erba soffice dormiente
tutto si svela nella sua essenza.

Posi i tuoi piedi sul prato
e subito il tuo è un passo di danza
che le onde del vestito di organza
fanno navigare lungo un mondo stregato.

Le acque del rio, anche loro, si sono calmate
e mutano in goccioline perlucenti sotto il sole tra la ghiaietta
margine del velo di nebbiolina
si è posata sul fianco dei monti.

Posi i tuoi piedi sul prato
e subito il cuore è più sereno
e non importa
se già domani
gli incantevoli acquarelli di questa giornata
svaniranno
e se la vita
riprenderà il suo ciclo alla stessa maniera.*

Piccola

*l'é l'ora d'andé
ti 'ncora a sugné
e mi chissà...*

(la sèira a cala sempe tròp an pressa).

*è ora di andare
tu ancora a sognare
e io chissà...*

(la sera scende sempre troppo in fretta).